

OHCEJOGA GIELDDA BÁZAHUSFUOLAHUSMEARRÁDUSAT



Sisdoallu

1. OPPALAŠ OASSI.....	4
1.1. Oppalaččat bázahusfuolahusmearrádusaid birra	4
1.2. Ovdasadjeortnet	4
2. GIELDDA BÁZAHUSFUOLAHUSMEARRÁDUSAT	5
Lohku 1. Heivehansuorgi ja oppalaš geatnegasvuodát	5
1 § Heivehansuorgi	5
2 § Bázahusfuolahusmearrádusaid ulbmilat	5
3 § Meroštallamat.....	5
Lohku 2. Bázahusfuolahussii searvan	8
4 § Geatnegasvuolta searvat gieldda bázahusfuolahusvuogádahkii	8
5 § Gieldda vásttu vuollái gullevaš bázahusat	9
6 § Bázahusfuolahusa ordnenmolssaeavttut.....	9
Lohku 3. Bázahuslihtit ja daid gurren	10
7 § Bázahuslihti guoski gáibádusat.....	10
8 § Bázahusat, mat eai leat heivvolaččat bázahuslihtiide	11
9 § bázahuslihtiid gurrengaskkat.....	11
10 § Fuolaheapmi ja bassan.....	12
11 § Gurremiid gaskkalduhttin	12
12 § Bázahusaid čohkkenbáiki	12
Lohku 4. Bázahusaid čohkken giddodagas.....	13
13 § Giddodagas sierra šláddjenvuloš bázahusšlájat	13
14 § Seahkalas bázahus	14
15 § Ođđasitatnui dohkálaš bázahusaid sierračohkkengeatnegasvuodát giddodagaid mielde.....	14
Lohku 5. Bázahusaid iešrádálaš gieđahallan ja ávkkástallan.....	15
16 § Komposteran	15
17 § Bázahusa boaldin	16
18 § Eará gieđahallan.....	16
Lohku 6. Vuojulduhttin- ja obbagáivvuloagit.....	17
19 § Bázahusčáhcegáivvuid gurren	17
20 § Vuojulduhttin- ja obbagáivvuid fuolahus ja johtin gáivvuid lusa.....	17



21 § Hivssetbázahus	18
Lohku 7. Váralaš bázahusat.....	19
22 § Váralaš bázahusaid bázahusfuolahus	19
Lohku 8. Eará mearrádusat.....	19
23 § Álbmotdoaluid bázahusfuolahus	19
24 § Bázahusfuolahusmearrádusaid čuovvun ja gohcin	20
25 § Spiehkaseapmi bázahusfuolahusmearrádusain.....	20
Lohku 9. Oktavuodáváldimat sierra diliin.....	21



1. OPPALAŠ OASSI

1.1. Oppalaččat bázahusfuolahusmearrádusaid birra

Bázahusfuolahusmearrádusat dárkkálmuhttet bázahuslágas (641/2011) ja bázahusásahas (978/2021) mearriduvvon oktasaš bázahusfuolahusa ordnema vuodđojurdagiid seammásgo vuhtiiváldet guovllu dili. Bázahusfuolahusmearrádusat geatnegahttet, eai ávžžut, ja daid ulbmilin lea stivret bázahusfuolahusa vai ássanbiras seailu buhtisin ja olmmoš das bures loaktá.

Mearrádusat addojit ovdamearkan bázahusaid šláddjemis, čohkkemis, ávkkástallamis ja luotnuma ovddalgihtii eastadeamis. Mearrádusaiguin sihkarastit doaibmi bázahusfuolahusa, mii ii dagat biras- dahje dearvvasvuodáhehttehusaid. Bázahusfuolahusmearrádusat gusket buot Ohcejoga gieldda ordnen bázahusfuolahussii gullevaš giddodagaid nappo ássan- ja astoáiggi giddodagaid, gielddaid giddodagaid ja fitnodagaid.

Dát bázahusfuolahusmearrádusat bohtet fápmui Ohcejoga gieldda doaibmaguovllus 1.7.2025 ja daiguin gomihit gieldda ovddit bázahusfuolahusmearrádusaid, vai guovllus leat fámus oktalaš ja áigeaguovdilis mearrádusat.

Bázahusfuolahusmearrádusat dohkkehuvvon Ohcejogas

- eallinfápmo- ja teknihkalaš lávdegottis 22.9.2025 §104
- gielddaráđđehusas 21.10.2025 §189
- gieldda váldostivrras 6.11.2025 §68

1.2. Ovdasadjeortnet

Bázahuslága 8 §:s geatnegahttojuvvo čuovvut ovdasadjeortnega buot doaimmain vejolašvuodaid mielde. Dan mielde vuosttasin galgá geahpedit šaddi bázahusaid meari ja hehttehusa. Šaddi bázahusa galgá fas vuosttasin válmmaštallat ođđasit geavaheami várás dahje nuppe sajis ođđasitatnit. Jos ođđasitatnu ii leat vejolaš bázahusa galgá ávkkástallat eará vugiin, dego energijabuvttadeamis. Manjmuš molssaeaktun lea bázahusa loahppagieđahallan nappo ovdamearkan doalvun ruskabáikái. Gieldda galgá bázahusbálvalusaid ordnedettiin čuovvut ovdasadjeortnega dan láchkai, ahte juksojuvvo ollisvuolta go árvoštallojuvvo bázahuslága ulmilla dáfus buoremus loahppaboadus. Iešguđetlágan bázahusfuolahusa guoski molssaeavttuid veardádallan eallingeardedárkuma vehkiin lea dehálaš, vai ovdasadjeortnega ollašuvvama ávkkiid sáhttá juksat. Eallingeardedárkumis vuhtiiváldit dearvvasvuodá- ja birasoainnuid ja teknihkalaš ja ekonomalaš gáibádusaid.



Ovdasadjeortnega ollašuvvan gieldda bázahusfuolahusas ovddiduvvo ovdamearkan áсахemiin šláddjen- ja sierračohkkengeatnegasvuodaid sierralágan bázahusaide. Sierračohkkengeatnegasvuodaid vuollerádjedássi lea meroštallojuvvon jagi 2021 áigge čavgan bázahusásahusas. Bázahusfuolahusmearrádusaiguin sierračohkkengeatnegasvuodaid sáhtttá viiddidit dahje vuoduštallon siva geažil gáržžidit. Gáržžideapmi eaktuda, ahte eallingeardedárkuma dahje eará báikkálaš fievrridandiliid guoski čielggadusa vuodul muhtun bázahuslága 15 § 2 momeanttas áсахuvvon sierračohkkemis spiehkaseami eaktu dievvá. Dalle sáhtttá gávnnaht, ahte áсахuvvon gáržžit geatnegasvuodas boahtá buoret loahppaboađus go árvoštallat sierračohkkema oppalašváikkuhusaid. Maiddái áсахusa gáibádusaid viiddideapmi vuodđuduvvá áššálaš válmmaštallamii ja báikkálaš fievrridandiliid čielggadeapmái.

2. GIELDDA BÁZAHUSFUOLAHUSMEARRÁDUSAT

Lohku 1. Heivehansuorgi ja oppalaš geatnegasvuodát

1 § Heivehansuorgi

Dát bázahusfuolahusmearrádusat leat fámus Ohcejoga gieldda doaibmaguovllus. Dasa lassin mii bázahuslágas (646/2011) ja dan vuodul lea áсахuvvon dahje mearriduvvon bázahusfuolahusa ordnemis, luotnuma ovddalgihtii eastadeamis, bázahusain dearvvasvuhtii dahje birrasii boahtti hehttehusa ovddalgihtii eastadeamis ja maid bázahusfuolahusa gohcimis čuovvut daid čadni bázahusfuolahusmearrádusaid.

Dat bázahusfuolahusmearrádusat heivehuvvojit gieldda bázahusfuolahusa ordnegeatnegasvuhtii gullelaš bázahusaide ja bázahusfuolahussii ja gieldda sekundára (RINKI Oy) bázahusfuolahusvástui gullelaš bázahusaide ja bázahusfuolahusbálvalusaide.

2 § Bázahusfuolahusmearrádusaid ulbmilat

Bázahusfuolahusa ulbmilin lea suodjalit dearvvasvuoda ja birrasa. Bázahusfuolahus galgá álo leat áššálaš ja bázahusaid fievrrideami ja gieđahallama ferte stivret.

Bázahusfuolahusa mihttomearrin lea suvdilis ja buhtis materiálajohtin. Bázahusaid galgá šláddjet ja doaimmahit daid šaddanbáikkiin gieđahallamii, nu ahte iešguđet bázahusmateriálat bohtet gieđahallamii dan láhkai ahte leat šláddjejuvvon nu beaktilit go vejolaš ja daid kvalitehta lea nu buorre, ahte dat heivejit materiálan ođđasitatnui dahje dorvvolaččat energiijaávkástallamii.

3 § Meroštallamat

Dáin bázahusfuolahusmearrádusain oaivvildit



Guovločohkkenbáiki lea gieldda ordnen guvllolaš bázahusa čohkkenbáiki, gosa giddodaga bázahusfievrredeami olggobeallái báhcci giddodagat doaimmahit iežaset seahkalaš bázahusaid. Guovločohkkenbáikkid leat dušše guovločohkkenmávssu máksán giddodagaid oamasteaddjiid geavahasas.

Ássamis šaddi bázahus lea buot fástavisttis, astoáiggevisttis, ásodagas ja eará ássamis šaddi bázahus dan šlájasa, kvalitehtas ja mearis fuolatkeahhtá.

Biobázahus lea borramušgálvo- ja gievkkanbázahus (omd. heđemiid ja ruotnasiid garat, borramušbázahusat, gáfferukkat ja teadjaseahkat), mii eanaiduvvá ja man sáhttá komposteret.

Ekosadji lea Suomen Pakkauskierrätys RINKI Oy ordnen čohkkenbáiki, gos čohkket ođđasitatnui dohkálaš bázahusaid ruovttudoaluin. Ekosajis eai čohkkejuvvo seahkalaš bázahusat. Ekosajit leat buot daid ruovttudoaluid geavahasas, main ii leat geavahasas giddodaga ođđasitatnui dohkálaš bázahusaid čohkken.

Sierrabázahusat leat bázahusat, mat eai lohkkjuvvo váralaš bázahussan, muhto mat gáibidit daid vahátlašvuoda, kvalitehta dahje meari dihte sierragiedahallama dahje sierra doaimmaid čohkkema dahje fievrredeami áigge. Sierrabázahusat leat ovdamearkan bázahusat mat nájdet, čuggot, háisot, golget ja gilvet domu.

Bázahusčáhceloahki lea dálldoallobázahusčázis vuojuđuhttingáivvos, obbagáivvos, ápparáhta- nappo smávva buhtistanrusttegis dahje eará vástideaddji giedahallanvuogádagas šaddi loahki (vástideaddji mearkkašupmi lea maiddái doahpagis vuojuđuhttin- ja obbagáivvoloahki).

Čohkkenbáiki lea ovttá dahje mángga bázahusšlájasa čohkkema várás ráhkaduvvon vuostáiváldinbáiki, gos lea okta dahje mángga bázahuslihti guđege bázahusšlájasa oanehisáiggi vurkema ja fievrredeami várás.

Ođđasitatnui dohkálaš bázahus lea materiálan ávkkálaš bázahus dego biobázahus, eret biddjon tekstiillat, lássa-, metálla-, plásttet-, kartonnga- ja báberbáhkka bázahus ja eará ođđasitatnui dohkálaš materiálain čohkiidan bázahusat, maidda lea ordnejuvvon sierračohkken ja vuostáiváldin daid bázahusfuolahusmearrádusaid mielde.

Giddodaga bázahusfievrredeapmi lea gieldda dahje giddodaga oamasteaddji ordnen bázahusfievrredeapmi, mas bázahusšlájat vižžojit giddodagas dahje dan lahkosiid biddjon čohkkenbáikkis dahje guovtti dahje mángga giddodaga oktasaš čohkkenbáikkis dahje bázahusčáhceloahki dihto giddodaga bázahusčáhcevuogádaga vuojuđuhttingáivvos dahje obbagáivvos.



Gieldda ordnen bázahusfievrriidapmi oaivvilda giddodaga bázahusfievrriidapmi, mas gieldda oastinbálvalussan buvttadan bázahusfitnodat vástida bázahusfievrriidapmi gilvalahhtimis ja dingomis viežžat bázahusaid daid bázahusfuolahusmearrádusaid mielde. Gieldda ordnen bázahusfievrriidapmi fievrriduvvojit dál seahkalaš bázahusat ja biobázahusat. Rinki Oy fuolaha kartongga-, plásttet- ja lássabáhkaid ja smávvametaláid fievrridapmi ja ođđasitanus.

Gieldda bázahusfuolahusa ordnengeatnegasvuhtii gullelaš bázahus oaivvilda fástavisttis, astoáiggevisttis, ásođagas ja eará ássamis šaddi bázahusa ja gielddaid hálldahus- ja bálvalandoaimmas šaddi searvvušbázahusa, maiddá čohkkema ja fievrridapmi oasil buvttadeaddji vásttuvuloš báhkkenbázahusa, mii čohkkejuvvo bázahuslága ja daid bázahusfuolahusmearrádusaid mielde giddodaga čohkkemis ordnejuvvo buvttadeaddjiid čohkkema dievasmahtti ekosajiin. Dat oaivvilda maid ruovttudoalu ieš dahkkojuvvo unna huksen- ja burgin doaimmas šaddi bázahusa, Ohcejoga gielddas bázahusčáziiid vuojulduhttin- ja obbagáivvoluogi ja lassin dan fitnodatlanjadagain šaddi bázahusa, mii ovttas ássamis dahje gielddaid hálldahus- ja bálvalandoaimmain šaddi bázahusaiguin čohkkejuvvo soahpamušvuđot bázahusaid fievrridapmin bázahuslága 37 § eavttuid mielde.

Gieldda bázahusfuolahusa ordnengeatnegasvuhtii sekundáralaččat gullelaš bázahusain (TSV-bázahus) oaivvildit ealahusdoaimma bázahusa dahje eará bázahusa, mii ii gula vuosttasin gieldda ovddasvástádussii ja man oamasteaddji lea bivdán beassat mielde gieldda bázahusfuolahusvuogádahkii eará bálvalusa váiluma dihte. Bivdagii gullelaš bázahusa ferte sáhttit gieđahallat gieldda bázahusfuolahusvuogádagas nappo dat galgá heivet kvalitehta ja meari dáfus fievrridapmái ja gieđahallamii gieldda bázahusfuolahusvuogádagas.

Gieldda searvvušbázahusfuolahussii gullelaš bázahusat oaivvildit bázahusaid, mat bázahuslága vuodul gullet gieldda bázahusfuolahusa ordnengeatnegasvuhtii dahje dat gieđahallojit gieldda bázahusfuolahusvuogádagas gieldda sekundára bázahusfuolahusa ordnengeatnegasvuoda vuodul.

Gieldda bázahusfuolahusvuogádat oaivvilda gieldda ordnen bázahusfuolahusa ollisvuoda, mainna giella fuolaha gieldda searvvušbázahusfuolahussii gullelaš bázahusain. Gieldda bázahusfuolahusvuogádahkii gullet čohkken- ja vuostáiváldinbáikkii, bázahusfievrriidapmi ja maid bázahusaid gieđahallan.

Šladdjenstašuvdna oaivvilda bázahusfuolahusa ordnejeaddji bajásdoallan ovddemustá ođđasitatnui dohkálaš bázahusaid buktinbáikki, mas ii leat gieđahallandoaimma. Šladdjenstašuvnnas vuostáiváldit dakkár bázahusaid, maid ii sáhte bidjat dábaláš bázahuslihttái daid sturrodaga dahje iešvuodaid dihte.

Vuojulduhttin- ja obbagáivvobázahus lea dálloallobázahusčázis vuojulduhttingáivvos,



obbagáivvos, ápparáhta- nappo smávvu buhtistanrusttegis dahje eará vástideaddji gieđahallanvuogádagas šaddi loahki (vástideaddji mearkkašupmi lea maiddá doahpagis vuojuđuhttin- ja obbagáivvolahki).

Elrávdnje- ja elektronikkašlámborat (SER) leat geavahusas eret váldojuvvon rusttegat, mat leat doaibman elrávnnjiin, akkumuláhtoriin, báhtteriin dahje beaivvášenergijain. Maiddá buot lámppát earret áhcagastin- ja hálogenalámppát lohkkovit elrávdnje- ja elektronikkarusttegin.

Buvttadeaddji vásttuvuloš bázahusain oaivvildit bázahusa, man bázahusfuolahusas ja das boahhti goluin vástida bázahuslága 6 čuoggá mielde geavahusas eret váldojuvvon buktaga márkaniidda buktán buvtadeaddji dahje dan nammii doaibmi buvtadeaddjisearvuš. Buvttadeaddji vásttuvuloš bázahusat leat personbiillat, pakeahabiillat ja daidda buohtastahttojuvvon eará vuodjinfievrrut, mohtorfievrruid juvllat, elrávdnje- ja elektronikkašlámborat, báhtterat ja akkumuláhtorat, čohkkenbábir ja báhkat. Daid lassin buvtadeaddji vásttuvuloš bázahusaide gullet plástteha sisttisdoalli oaggunbiergasat (SUP) ja oktii geavahuvvon plásttetbuktagat (SUP) maid buvtadeaddjit nappo ráhkadeaddjit, eatnamiibuktit dahje báhkkejeaddjit galget buhtadit gielddaide sin buktagiin boahhti luotnuma čorgengoluid bázahuslága 48 c § mielde gielddaid almmolaš guovlluin.

Váralaš bázahusain oaivvildit bázahusa, mii sáhtá buollát dahje bávkkehit ja lea danin váralaš, sáhtá njoammut ja lea danin váralaš, lea earáláhkai dearvvasvuhtii váralaš, lea birrasii váralaš dahje das lea eará vástideaddji váralaš iešvuoha. Váralaš bázahusat leat ovdamearkan báhtterat ja akkumuláhtorat, čuovgabohccit, energiijaseastinlámppát ja mánggat elektronikkarusttegat, málat, láhkat, liimmat ja luvvenávdnasat, oassi buhtistanávdnasiin, deattagieđahallojuvvon muorra, asbeasta, dustenávdnasat, bázahusoljjut ja oljobázahusat ja maid dálkkasbázahusat.

Searvušbázahus lea fástavisttis, astoáiggevisttis, ásođagas ja eará ássamis šaddi bázahus ja kvalitehta dáfus dasa buohtastahttojuvvon hálddahuš-, bálvalus- ja ealáhusdoaimmas šaddi bázahus.

Lohku 2. Bázahusfuolahussii searvan

4 § Geatnegasvuoha searvat gieldda bázahusfuolahusvuogádahkii

Buot ássan- ja astoáiggi giddodagat ja gielddaid hálddahuš- ja bálvalandoaimma giddodagat galget searvat gieldda bázahusfuolahussii bázahuslága mielde. Jos seamma giddodagas leat mánga sierra ássan- dahje astoáiggevistti, galget dain buohkat gullat bázahusfuolahussii. Bázahusa oamasteaddji ferte luobahit gieldda searvušbázahusfuolahussii gullevaš bázahusa giddodaga bázahusfievrrideami várás ordnejuvvon bázahuslihtái dahje guovločohkkenbáikái.



Bázahusfuolahussii searvat dihto giddodaga bázahuslihtiin dahje lagašgiddodagaid oktasaš bázahuslihtiin. Ohcejoga gieldda bázahusfuolahusbálvalusaid ollašuhtta **Verdis Oy**. Bázahusfuolahussii searvama birra almmuhuvvo gieldda teknikkalaš doibmii. Jos giddodaga oamasteaddji ii leat almmuhan giddodaga searvama birra, lea giddodat guovločohkkenbáikki geavaheaddji. Giddodaga oamasteaddjái almmuhuvvo laktima birra ja mitaluvvo, masa laktin vuodđuduvvá ja makkár geatnegasvuodát das čuvvot. Giddodaga oamasteaddji galgá almmuhit buot giddodaga bázahusfuolahusa ordnemii gullelaš nuppástusain Ohcejoga gildii. Nuppástusat vuhtiiváldojit almmuhanbeaivvi rájes.

5 § Gieldda vásttu vuollái gullelaš bázahusat

Gieldda bázahusfuolahussii gullet bázahuslága 32 § vuodul čuovvovaš bázahusat:

1. ássamis (fásta ja astoáiggi ássamis) šaddi bázahusat,
2. gieldda halddašan- ja bálvalandoaimmas šaddi bázahusat,
3. fitnodatlanjadagain šaddi searvvušbázahusat, mat čohkkejuvvojit giddodagas ovttas om. bázahusaiguin ja
4. eará searvvušbázahus, mii čohkkejuvvo ovttas om. bázahusaiguin guvllolaš bohccečohkkendahje eará vástideaddji čohkkenvuogádagas.

Gieldda vásttu vuollái gullá de buot ássamis šaddi bázahus ja muhtin muddui dasa iešvuoda, čoahku ja meari dáfus buohtastahttojuvvon gielddaid hálddašan- ja bálvalandoaimmas šaddi bázahus. Ovdamearkan gielddaid virgedoaimmahagain, kultur- ja lášmmohallanbáikkiin ja skuvllain ja beaveruovttuin šaddi searvvušbázahusat gullet gieldda bázahusfuolahusvuogádahkii daid osiin go dat heivejit čohkkemii ja gieđahallamii seamma bázahusfuolahusvuogádagas ássamis šaddi bázahusaiguin.

Váralaš bázahusa oasis gieldda bázahusfuolahusa ordnenovddasvástádus guoská dušše ássama. Eana- ja meahccedoalus šaddi váralaš bázahusa vuostáiváldin ja gieđahallan gullá lassin gieldda vásttu vuollái, jos bázahus ii leat meareheamet.

Gielddas lea geatnegasvuolta ja ná maiddái vuoigatvuolta ordnet gieldda vásttu vuollái gullelaš bázahusaid bázahusfuolahusa. Giella ordne dákkár bázahusaid čohkkema, fievrrideami ja gieđahallama. Eará bázahusaid, dego ealáhusdoaimmas šaddi bázahusaid, bázahusfuolahusa ordnemis vástida bázahusa oamasteaddji bázahuslága 28 § mielde.

6 § Bázahusfuolahusa ordnenmolssaeavttut

Dihto giddodaga bázahuslihti nappo iežas bázahuslihti giddodagas. Bázahusrehkegii gullet



vistti mielde vuodđomáksu ja bázahuslihti gurrenmáksu.

Jos giddodaga oamasteaddji váldá atnui dihto giddodaga bázahuslihti, son galgá almmuhit dan birra gieldda teknihkalaš doibmii ja soahpat bázahuslihti sturrodagas ja gurrenritmmas. Giddodaga oamasteaddji ordne ieš bázahuslihti giddodahkii. Giddodaga oamasteaddji galgá ieš ordnet bázahuslihtái mearrádusaid mielde čohkkenbáikki giddodahkii. Čohkkenbáiki sáhtta leat maiddái giddodaga olggobealde ovdamearkan stuorát geainnu guoras, jos giddodaga oamasteaddji soahpá ášši birra guovllu eanaeaiggádiin.

Iežas bázahuslihti geavaheaddji giddodagain seahkalas bázahusa ferte álo bidjat dán bázahuslihtái, iige dan oaččo doalvut ovdamearkan guovločohkkenbáikkiide dahje šládjenstašuvnaide.

Guovločohkkenbáiki nappo guovločohkkenlihti geavaheapmi. Bázahusrehkegii gullet vistti vuodđomáksu ja guovločohkkenbáikki geavahanmáksu.

Guovločohkkenlihtit leat gieldda bajásdoallan čohkkenbáikkii ja daid geavahanvuoigatvuohta lea dušše gieldda mearridan guovločohkkenmávssu máksán giddodagain. Bázahusaid galgá doaimmahit guovločohkkenlihtái doarvái dávjá ja dan láhkai, ahte čohkkenlihti ii dieva menddo sakka menddo stuorra meari dihte, mii dolvojuvvo hávil.

Go giddodaga oamasteaddji ieš searvá gieldda bázahusfuolahusvuogádahkii guovločohkkenbáikki bokte, giddodaga oamasteaddji almmuha geavahuvvon guovločohkkenbáikkis gieldda teknihkalaš doibmii. Giddodat lea guovločohkkenbáikki geavaheaddji maiddái dalle, go giddodaga oamasteaddji ii leat almmuhan searvama birra bázahusfuolahussii dihto giddodaga bázahuslihtiin dahje oktasaš lihtiin dahje bázahusfievrrideapmi ii ordnejuvvo giddodagas daid mearrádusaid mielde.

Guovločohkkenbáikki geavaheaddji giddodagain seahkalas bázahusaid galgá doalvut álo guovločohkkenbáikái. Guovločohkkenbáikki geavahanvuoigatvuohta lea dušše bázahustávssa mielde geavahanmávssu máksi ássan- ja astaíggi giddodagain, ja dohko sáhtta doaimmahit dušše ássamis šaddi bázahusaid. Bázahusaid smávvalágan vurken giddodagas ovdal guovločohkkenbáikái doaimmaheami ii oaččo dagahit buhtisindoallama hehttehusaid, hádjahethtehusaid dahje earáge hehttehusa dearvvasvuhtii dahje birrasii. Seahkalas bázahusaid ja biobázahusaid eai ávžžut vurkkodit giddodagas guhkit áigge go guokte vahku.

Lohku 3. Bázahuslihtit ja daid gurren

7 § Bázahuslihti guoski gáibádusat

Giddodaga bázahusfievrrideamis bázahuslihttin sáhtta geavahit



1. bázahuslihtiid, maid sáhtttá lihkahallat giedaiguin, mat leat eanemustá 660 lihttera, main leat lohkit, geavjjat ja juvllat, ja mat heivejit bázahusbiillaid, main leat deakšunrusttegat, mášenlástemii ja bassamii;

2. eatnamii vuojuhuvvon bázahuslihtit, mat gurrejuvvojit mášeniin bázahusbiilli giddodagas dalle, go dat heivejit čohkkenlogistihkkii ja báiki lea áššáigullelaš (heivvolašvuoda čohkkenlogistihkkii ferte sihkkarastit gieldda bázahusfitnodagas ja bodnečáhceguovllus lihti báikki heivvolašvuoda ferte sihkkarastit gieldda birassuodjalaneiseválddis);

Giddodaga oamasteaddji vástida ieš fámolaš bázahuslihttestandárdda mielde bázahuslihti háhkamis giddodahkii. Gieldda bázahusfitnodat sáhtttá dohkkehit gieldda ordnen bázahusfievrrideamis earáge bázahuslihtiid geavahusa, jos das ii čuovo vahát dahje hehttehus birrasii iige dat dorvvohuhte bargodorvolašvuoda dahje gálvvuid.

8 § Bázahusat, mat eai leat heivvolaččat bázahuslihtiide

Seahkalas bázahusaid lihttái ii oaččo bidjat váralaš bázahusa dahje eará energiijaávkástallamii dohkkeameahttun bázahusa, dego metálla dahje lása. Smávva meriid dakkár ávdnasa mii ii buole, masa ii leat ordnejuvvon čohkken giddodagain dahje čohkkenbáikkiin, dego ovttaskas lássa- ja porsliidnalihtiid moalut ja ovttaskas smávva PVC-plásttetdávviid sáhtttá bidjat seahkalas bázahusaid lihttái. Stuorát bázahusaid, maid ávnnas ii buole, ja stuorát bázahuseriid galgá doaimmahit bázahusguovddážii dahje šládđenstašuvdnii.

Váralaš bázahusa ii oaččo bidjat seahkalas bázahusaid lihttái dahje ođđasitatnui dohkálaš bázahusaid lihtiide obanassiige, muhto daid galgá doaimmahit gieldda daidda ordnen vuostáiváldinbáikkiide, mat leat ovddemustá šládđenstašuvnnain. Buvttadeaddji vásttuvuloš váralaš bázahusaid, dego báhtteriid ja akkumuláhtoriid galgá doaimmahit buvttadeaddjiid ordnen vuostáiváldinbáikkiide. Dálkkasbázahusaid galgá doaimmahit apteikkaide.

Stuorra bázahusaid (omd. viessogálvvut) dahje stuorra bázahusmeriid (omd. viessodivvunbázahusat), maid ii sáhte bidjat bázahuslihttái ja mat eai čohkkejuvvo guovločohkkenbáikkiin dahje ekosajiin, ferte fievrridit áššálaš vuostáiváldinbáikái, dego šládđenstašuvdnii. Fievrrideami galgá ortnet ieš.

9 § bázahuslihtiid gurrengaskkat

Dihto giddodaga bázahuslihtiid gurrengaskkas sohppojuvvo sierra gieldda tekniikalaš doaimmain. Oanehamos gurrengaska geassebajis 1.7.-30.8. lea okta vahkku ja eará áigodagain juohke nuppi vahkku. Guovločohkkenlihtiid gurrenággit almmustahttojit guktii jagis.

Biras- dahje dearvasvuodahehttehusaid dihte áššehasa sáhtttá geatnegahttit sirdásit bázahuslihti dávjjit gurrenritmii.



Šaddi bázahusmeari ektui badjelmearálaš stuorra čohkkenbiergasiid geavaheapmi ii atte vuoigatvuođa gurrengaskkaid guhkideapmái. Giddodagat galget mihttodallat iežaset čohkkenbiergasiid dan láhkai, ahte dat leat doarvái stuorrát unnimustá oanehamos gurrengaskii. Bázahuslihti ii oaččo lastet menddo dievva, bázahuslihti lohkki galgá mannat ollásit gitta. Badjelmearálaš bázahusas berrojuvvo sierra máksu.

10 § Fuolaheapmi ja bassan

Bázahusa oamasteaddji ferte fuolahit iežas bázahuslihti divvumis, fuolaheamis ja buhtisteamis. Bázahusa oamasteaddji ferte maiddá fuolahit das, ahte bázahuslihtit eai beasa sirdásit eret daid báikkiin ja ahte bázahuslihtiid lohkit bissot buot dálkkiin gitta. Bázahusa oamasteaddji galgá dárkkistit bázahuslihtiid ortnega ja deahtisvuođa jeavddalaččat. Searvvušbázahusaid bázahuslihtiid galgá bassat dárbbu mielde, seahkalas bázahusaid lihtiid goittotge unnimustá oktii jagis ja biobázahuslihtiid unnimustá guktii jagis.

11 § Gurremiid gaskkalduhttin

Fásta ássangiddodaga ja eará birrajagi geavahuvvon giddodaga bázahuslihti gurremiid sáhttá gaskkalduhttit mearreáigái, go giddodat lea ollásit geavakeahtta. Astoáigge giddodaga oamasteaddji ferte gullat maiddá gieldda bázahusfuolahussii ja bázahuslihti gurremiin ferte soahpat sierra gieldda bázahusfuolahuseiseválddiin.

Gaskkalduhttima eaktun lea, ahte giddodagas lea geavahusas dihto giddodaga bázahuslihti ja giddodat lea luohtehahti vugiin ovdanbukton siva vuođul gaskaboddosaččat ollásit geavatkeahtta. Bázahuslihti ferte álo gurret ovdal gaskkalduhttima álgima.

12 § Bázahusaid čohkkenbáiki

Giddodaga oamasteaddji ferte ordnet bázahusfuolahusa várás dárbbášlaš čohkkenbáikki. Bázahuslihti čohkkenbáikki galgá välljet dan láhkai, ahte čohkkenbiergasiid gurren ii dagat dárbbášmeahtun riskka dahje hehttehusa giddodaga eará geavaheapmái, johtolahkii, birrasii iige gurrejeaddjái.

Jos bázahuslihti gurrema várás ferte johtit priváhta luotta alde, lea luotta bajásdoallis ovddasvástáduš luotta fuolaheamis. Geainnu bajásdoalli galgá čujuhit vejolaš deaddoráddjehusaid áigge lobi bázahusfievrridemiid čađaheapmái johtolatgalbbaiguin. Giddodaga oamasteaddji galgá fuolahit, ahte muohta plovejuvvo doarvái bures ja doarjut njalahasaid čohkkenbáikkis ja dohko johtti luottain. Jos čohkkenbáiki lea finadanluotta geahčen, čohkkenbáikki lahkosis galgá leat lossa fievrruide doarvái viiddis ja nana jorgalanbáiki. Čohkkenbáikki galgá vuođđudit dássidis, láskkonjulges ja gollama gierdi vuđđui, nu ahte čohkkenbiergasat eai jienjo vuđđui gitta.



Spiehkastahkan dasa, mii ovddabealde lea máinnašuvvon, giddodat sáhttá soahpat bázahusfuolahusa ollašuhttiin gokko čohkkenbáiki lea. Dalle čohkkenbiergasa sirdimis dahje lassefievrriidamis berrojuvvo bázahustávssa mielde lassemáksu.

Čohkkenbáikkis oamasteaddji galgá fuolahit ahte čohkkenbiergasiid lusa johtti luodda ja čohkkenbiergasat leat ortnegis ja buhttasat, luodda lea plovejuvvon muohttagis ja luodda ii leat njaláhas vai čohkkenbiergasiid sáhttá eastaga haga ja dorvvolaččat gurret.

Lohku 4. Bázahusaid čohkken giddodagas

13 § Giddodagas sierra šládđjenvuloš bázahusšlájat

Giddodagain šaddi searvvušbázahusas, mat gullet gieldda searvvušbázahusfuolahusa vuollái, galgá šládđjet sierra biobázahusa, lássa-, plásttet-, metálla- ja kartongabázahusaid, smávvametálla ja eará giddodagas šaddi dán paragrafas logahallojuvvon bázahusšlájaid.

Biobázahusa ferte šládđjet sierra giddodagain, mat gullet daid bázahusfuolahusmearrádusaid 15 § mielde biobázahusa giddodaga sierračohkkema vuollái dahje mat komposterejit biobázahusaid iežaset álgagis daid mearrádusaid 16 § mielde. Jos biobázahus ii čohkkejuvvo sierra dahje komposterejuvvo, dat biddjo boaldinvuloš bázahusa bázahuslihttái. Giddodagain, main duođaštuvvo ahte biobázahus čohkkejuvvo sierra, vuhtiiváldojuvvo dat bázahusfuolahusa mávssuin 10 % haddevuoládussan.

Lássa-, plásttet-, metálla- ja kartongabáhkabázahusat ja smávvametálla doaimmahuvvojit buvttadeaddjiid dahje gieldda ordnen ekosadjái dahje giddodaga bázahuslihttái, jos giddodat gullá bázahusfuolahusmearrádusaid 15 § mielde daid bázahusaid giddodaga sierračohkkema vuollái.

Báberbázahusa galgá šládđjet sierra ja doaimmahit buvttadeaddji vásttuin ordnejuvvon čohkkenlihttái giddodagas dahje buvttadeaddji guvllolaš čohkkenbáiki.

Maiddá eará buvttadeaddji vásttuvuloš bázahusaid go báhkkenbázahusaid (dego báhtterat ja akkumuláhtorat ja elrávdnje- ja elektronikkašlámborat) galgá šládđjet sierra ja doaimmahit buvttadeaddji ordnen vuostáiváldinbáiki. Jugusbáhkaid, main lea pánta, galgá doaimmahit daid várás ordnejuvvon máhcahanbáikkiide.

Váralaš bázahusaid ja sierrabázahusaid ferte čohkket sierra ja doaimmahit gieđahallamii dain bázahusfuolahusmearrádusain sierra čuoggás 7 addojuvvon mearrádusaid mielde.

Bázahusa oamasteaddji fuolaha bázahusaid šládđjemis ja čohkkemii doaimmaheamis.



Gieldda searvvušbázahusfuolahussii gullevaš doaimmain, maddái ássamis, šaddi huksen- ja burginbázahus šláddjejuvvo bázahusásahusa 26 § mielde.

14 § Seahkalas bázahus

Buot giddodagain, mat gullet giddodaga bázahusfievrrideapmái, ferte leat seahkalas bázahussii giddodaga bázahuslihti.

Seahkalas bázahussii oaivvilduvvon bázahuslihttái ii oaččo bidjat bázahusaid, mat eai gula dohko, dego váralaš bázahusaid dahje ođđasitatnui dohkálaš bázahusa.

Smávva meriid dakkár ávdnasa mii ii buole, masa ii leat ordnejuvvon sierračohkken giddodagain dahje čohkkenbáikkiin, dego ovttaskas lássa- ja porsliidnalihtiid moalut ja ovttaskas smávva PVC-plásttet dávviriid sáhtta bidjat seahkalas bázahusaid lihttái.

Stuorát bázahusaid, maid ávnnas ii buole, ja stuorát bázahuseriid galgá doaimmahit bázahusguovddáži dahje šláddjenstašuvdnii. Váralaš bázahusaid ii oaččo bidjat seahkalas bázahusaid lihttái obanassiige.

15 § Ođđasitatnui dohkálaš bázahusaid sierračohkkengeatnegasvuodát giddodagaid mielde

1) Ássangiddodagat

Ássangiddodagas galgá ávkebázahusaid, dego ođđasitatnui dohkálaš báhpára, kartongga, lása, smávvametálla, plástteha ja eará ávkkástallamii dohkálaš bázahusaid doallat sierra ja doaimmahit ávkebázahusaid čohkkenbáikkiide dahje eará čohkkemii, dallego dakkár lea ordnejuvvon.

Ásahusa mielde sierračohkkengeatnegasvuodas lea vejolaš spiehkcasit, jos bázahuslága 15 § 2 momeanttas máinnašuvvon spiehkcasanvuoduštus dievvá. Jos spiehkcasanmearrádusain gáržžidit bázahusásahusa sierračohkkengeatnegasvuodá, ferte spiehkcasanvuoduštusa árvoštallat manjimustá viđa jagi geahčen ođđasit. Giddodaga sierračohkken ii ordnejuvvo Ohcejoga čeahkkebáikkis, Njuorggáma ja Gáregasnjárgga giliin. Dain gielddain spiehkcaseapmi sierračohkkengeatnegasvuodas, man bázahusláhka dahká vejolažžan, lea vuodustallon, go vuhtiiváldit guovllu olmmošdávjedaga, šaddi bázahusa meari ja sierračohkkema ordnemis boahhti birasváikkuhusaid ja goluid.

Ohcejoga gielda dárkkista guovlluid meroštallama ja daid guoski sierračohkkengeatnegasvuodaid unnimustá váldostivrra bajiid mielde.



Bázahusšlájat, mat šláddjejuvvojit ja čohkkejuvvojit sierra						
Lanjadagaid lohku giddodagain	Seahkalas bázahus	Biobázahus	Metálla	Lássa-báhkát	Kartonnga. báhkát	Čohkkenbábir
5 dahje eanet*	x	-	Čohkkenbáiki	Čohkkenbáiki	Čohkkenbáiki	Šláddjejuvvo sierra
Fuom. Ringi 9–11/ Nuorgamintie 5	x	Kompostor	Čohkkenbáiki	Čohkkenbáiki	Čohkkenbáiki	Šláddjejuvvo sierra

*bázahusásahusa geatnegasvuodaid gáržžit čohkken. Gáržžit sierračohkkema gáibáduusat dárkkistuvvojit viđa jagi mearreáiggiin / maŋimustá x.x.20xx/váldostivrabajiid mielde(?).

2) Eará go ássangiddodagat

Eará go ássangiddodagain, galgá ávkkástallamii dohkálaš báhpára, kartonnga, lása, smávvetmetálla ja plástteha doallat sierra ja doaimmahit ávkebázahusaid čohkkenbáikkiide dahje eará čohkemii, dallego dakkár lea ordnejuvvon. Eará ávkebázahusaid galgá doallat sierra ja doaimmahit ávkkástallamii, dallego dat lea vejolaš.

Ođđasitatnui dohkálaš bázahusaid šláddjemis ja čohkkemis ferte čuovvut šláddjenrávvagiid.

Lohku 5. Bázahusaid iešrádálaš gieđahallan ja ávkkástallan

16 § Komposterin

Giddodagas oažžu komposteret doppe šaddi biobázahusa. Biobázahusa oažžu komposteret dušše dan várás plánejuvvon, ulbmilii heivolaš, giddejuvvon ja bures biggohuvvon kompostoris. Kompostor sáhtta leat maiddá 2–5 ránnjágiddodaga oktasaš.

Bokashi -vugiin dahje eará vástideaddji vugiin fermenterejuvvon, nappo geavvanprosesserejuvvon biobázahusa galgá maŋjegieđahallat komposteremiin giddejuvvon ja biggohuvvon kompostoris dahje maŋjegieđahallamii várrejuvvon lihtis nu ahte lea boares muldá seaguhuvvon ovdal bázahusa iešrádálaš ávkkástallama. Maŋjegieđahallanlihti lea dehálaš suddjet hehttehusa dagaheaddji ealliin. Maŋjekomposterin eatnamii goaivumiin lea gildojuvvon.

Biobázahusa komposterema álggaheamis ja nuppástuhttimis ferte almmuhit gieđda teknihkalaš doibmii. Gildii galgá maiddá almmuhit go heaitá komposterema. Almmuhus biobázahusa komposteremis lea fámus vihta jagi. Jos biobázahusa komposterin giddodagas joatkašuvvá, ferte almmuhusa dahkat ođđasit dallego dan fámusorrun nohká.



Gilvvagárdebázahusaid oažžu komposteret kompostoris, komposterenrikkis dahje stuorasoahthus. Gilvvagárdebázahusa ii oaččo fievrridit párkkaide dahje eará almmolaš dahje priváhta guovlluide.

Kompostta saji galgá mearridit dan láhkai, ahte das ii boađe hehttehus ránnjáide dahje birrasii. Dáluid biobázahuskomposttat ožžot leat lagamustá njealji mehtera geahčen ránnjávisttis. Kompostta ii oaččo bidjat lagabui go 15 mehtera geahčai gáivvos dahje čáziin. Kompostora sáhttá goittotge bidjat álo dohkkehuvvon huksenlobis merkejuvvon bázahusfuolahussii várrejuvvon sadjái.

17 § Bázahusa boaldin

Bázahusaid jávkadeapmi boaldimiin lea gildojuvvon. Giddodagaid dollasajiin, dego guovddášliggenuvnnas dahje uvnnas, oažžu boaldit dušše gieđahalakehtes muorrabázahusaid, rissiid ja ovssiid ja veháš báhpára ja kartonggaid buollahahkan. Plástteha ii oaččo boaldit obanassiige.

Bázahusaid boaldin sajušdolain lea gildojuvvon. Gildojuvvon lea maiddáii boaldit fárpalis dahje vástideaddji lihtis. Čoahkkebáikki olggobealde oažžu goittotge sajušdolain boaldit goike olggiid, rissiid, ovssiid, gudduid ja buhtes muora.

18 § Eará gieđahallan

Bázahusa hávdádeapmi eatnamii dahje vuojuheapmi čáhcái lea gildojuvvon.

Jápmán biebmoealliid hávdádeapmi lea lobálaš olles riikkas Biebmovirgedoaimmahaga rávvagiid mielde. Biebmovirgedoaimmahaga rávvagiid mielde jápmán biebmoeallit jávkaduvvojit ovdasajis hávdádemiiin dahje gudnemiin.

Iežas ássamis šaddi buhtes diila- ja betongamoalu oažžu geavahit veháš ja geardelunddogit iežas eanahuksenbargguin, jos giddodat lea bodnečáhceguovllu olggobealde ja moalu geavaheapmi buhtte vástideaddji ulbmilii heivvolaš eanaávdnasiid geavaheami. Eará eavttut moalu ávkkástallamii leat:

1. ávkkástallan ii leat lágádus- dahje ámmátlaš
2. betongamoallu gokčojuvvo dahje bajilduvvo
3. gieldda biraseiseváldái galgá almmuhusas ovdanbuktit unnimustá masa geavahuvo, materiála gáldu, man olu geavahuvo ja goas geavaheapmi dahkko.
4. Áššis galgá almmuhit čálalaččat unnimustá guokte vahku ovdal doaimma gieldda



birassuodjalaneiseváldái.

Lohku 6. Vuojulduhttin- ja obbagáivvologit

19 § Bázahusčáhcegáivvuid gurren

Vuojulduhttingáivvuin, buhtistanrusttegiid loahkesajiin ja eará vástideaddji gáivvuin bázahusčáhceloagi ferte váldit eret dárbbu mielde, goittotge unnimustá oktii jagis. Jos gažaldagas lea 1–2 olbmo fásta ássangiddodat dahje astoáiggevisti, galgá loagi váldit eret gáivvuin unnimustá guovtti jagi gaskkaid.

Buhtistanrusttegiin, mat geavahuvvojit hivssega bázahusčáziid sisttisdoalli bázahusčázi gieđahallamii, loagi eretváldima galgá dahkat ráhkadeaddji rávvagiid mielde dávjijbut go dát unnimus geatnegasvuodát, nu ahte vuogádat doaibmá áššálaččat. Jos buhtistanrusttega rávvagat addet vejolašvuoda gurret hárvvibutgo mearrádušat, ferte dasa ohcat spiehkaseami bázahusfuolahuseiseválddis.

Jos vuojulduhttingáivvui dahje vástideaddji gáivvui stivrejuvvo dušše ránes bázahusčázit nappo bassančázit dahje giddodagas lea geavahas sirrejeaddji goikehivsset, mas gužža stivrejuvvo vuojulduhttingáivvui, ferte bázahusčáhceloagi váldit eret gáivvos dárbbu mielde.

Obbagáivvot galget leat deahttasat, ja daid dievvama ja dievvanalárpma doaimma ferte čuovvut jeavddalaččat, unnimustá oktii jagis. Obbagáivvuid ferte gurret dárbbu mielde, goittotge unnimustá viđa jagi gaskkaid.

Loagi eretváldima ferte čuovvut ja dieđuid ferte bivddedettiin ovdanbuktit birassuodjalaneiseváldái.

Bázahusčáhceloagi ja obbagáivvuid bázahusčáziid oažžu luobahit fievrriidapmái dušše dakkár doaimmái, guhte lea dohkkehuvvon bázahuslága mielde bázahusfuolahusregistarii loagi fievrriidaddjin. Gurrema dingojeadji galgá addit dieđuid bázahusčáhcevuogádagas, vai gurrijeadji sáhtta merket daid dieđuid bázahusa sirdináššegirjái ja doaimmahit dieđuid SIIRTO registarii. Ássan- ja astoáiggi giddodagaid bázahusčáhcelogiid ja obbagáivvuid bázahusčáziid galgá doaimmahit gieldda čujuhan vuostáiváldinbáikái gieldda bázahusčáhcebuhtistanlágádussii.

20 § Vuojulduhttin- ja obbagáivvuid fuolahus ja johtin gáivvuid lusa

Giddodaga oamasteaddji galgá fuolahit, ahte giddodaga bázahusčáhcegáivvot ja daidda gullelaš ráhkadusat leat čavdásat, dorvvolaččat ja daid ulbmilii heivvolaččat. Giddodaga oamasteaddji vástida das, ahte loahkegáivvuid lusa beassá easttaheamet ja dorvvolaččat bázahusčáhceloagi fievrriidangálvviiguin, mat leat almmolaččat geavahas.



Bázahusčáhceloagi gurrema dinggojeaddji galgá addit loahkegáivvo gurrejeaddjái dárbbášlaš rávvagiid gurremii. Loahkesaji báiki ferte leat gurrema áigge čielgasit merkejuvvon ja gurrenuloš gáivvuid lohkit galget oidnot.

Jos giddodaga oamasteaddji ii sáhte ordnet almmolaš geavahusa gálvvuide johtinoktavuođa giddodahkii, ferte giddodagas geavahit bázahusčáhcevuogádaga, man lohkegáivvo gurrejuvvo ieš ja gáivvos eretváldon loahki gieđahallo iešráđálaččat.

Loagi iešráđálaš gieđahallan lea gildojuvvon earret čuovvovaš dilálašvuodain, mat leat lakton dán paragrafii. Bázahusčáhceloagi iešráđálaš gieđahallamis ferte álo dahkat ovddalgihtii čálalaš almmuhusa bázahusčáhceiseváldái. Iežas ássamis šaddi gieđahallojuvvon loagi oažžu lebbet duktenulbmilis iežas beldui dahje beldui mii lea iežas hálddus. Loagi galgá álo gieđahallat stabiliseremiin gálkka dahje eará Biebmovirgedoaimmahaga ja birassuodjalaneiseválddi dohkkehan vugiin.

Loagi gieđahallamis ja bealodgeavaheamis galgá čuovvut duktabuvttalága (lannoitevalmistelaki 539/2006), nitráhtaásahusa (nitraattiasetus 1250/2014) ja eana- ja meahccedoallooministeriija ásahusa duktabuktagiin (maa- ja metsätalousministeriön asetus lannoitevalmisteista 24/2011). Bázahusa oamasteaddji oažžu váldit gieđahallamii oktiibuot eanemustá gávccii ránnjálánjadagas dahje eará lahkosa giddodagas ássamis šaddi loagi ja lebbet beldui duktenulbmilis seamma eavttuiguin go iežas doaimmas šaddan loagi. Son, guhte vuostáiváldá, gieđahallá ja ávkkástallá loagi, ferte álo almmuhit áššis bázahusfuolahuseiseváldái. Lassin vehá iežas lagaš guovllus šaddi bázahusčáhcelogiid duktenulbmilis ávkkástalli doaibmi galgá dahkat bázahuslága 100 § mielde almmuhusa bázahusa ámmátlaš čohkkendoaimmas gieldda birassuodjalaneiseváldái.

Unna buhtistanrusttegis dahje eará vástideaddji vuogádagas šaddi golgi loagi ja ránes bázahusčáziid vuojulduhttingáivvo loagi sáhttá komposteret giddodagas daid bázahusfuolahusmearrádusaid 16 § mielde, jos giddodat geavaha dušše guoddinčázi dahje jos šaddi loagi mearri lea unnánaš ja dat lea giddes hámis iige dan gieđahallan giddodagas dagat riskka dahje hehttehusa birrasii dahje dearvvašvuhtii. Loagi mearri gehččo unnánažžan, jos dat šaddá unnit go 20 lihhtera gurrengearddis ja unnit go 50 lihhtera jagis.

21 § Hivssetbázahus

Goikehivssetbázahusaid galgá komposteret daid bázahusfuolahusmearrádusaid mielde giddodagas dahje doaimmahit gieldda čujuhan vuostáiváldinbáikái.

Hivssetbázahusaid ii oáččo bidjat giddodaga bázahuslihtiide, doalvut guovločohkkenbáikkiide



dahje hávdádit eatnamii komposterekeahtá.

Lohku 7. Váralaš bázahusat

22 § Váralaš bázahusaid bázahusfuolahus

lešguđetlágan váralaš bázahusaid ferte šládjet ja čohkket sierra.

Giddodagas čohkkejuvvon ja vurkejuvvon váralaš bázahusaid ferte doaimmahit daidda oaivilduvvon vuostáiváldinbáikkiide unnimustá oktii jagis.

Váralaš bázahusat eai fievrriduvvo giddodaga bázahusfievrreamis, iige daid oaččo doaimmahit guovločohkkenbáikkiide.

Ássamis ja eana- ja meahccedoalus šaddi váralaš bázahusaid galgá doaimmahit vuostáiváldinbáikái, man gielda lea daidda ordnen. Eana- ja meahccedoalus šaddi váralaš bázahusaid oasil dát guoská govttolaš bázahusmeari, muđui šaddi váralaš bázahusa galgá doaimmahit vuostáiváldái, geas lea vuoigatvuohta vuostáiváldit dan.

Buvttadeaddji vásttuvuloš váralaš bázahusaid (omd. elrávdnje- ja elektronikkašlámboriid, báhtteriid ja akkumuláhtoriid) galgá doaimmahit buvttadeaddjiid ordnen vuostáiváldinbáikkiide. Dálkkasbázahusaid galgá doaimmahit apteikii.

Eará giddodagain šaddi váralaš bázahusa galgá doaimmahit vuostáiváldái, geas lea vuoigatvuohta vuostáiváldit dan. Meari dáfus stuorra váralaš bázahuseriid doaimmaheamis galgá soahpat ovddalgihtii vuostáiváldiin.

Váralaš bázahusaid báhkemis ja merkemis ásahuvvo bázahusásahusa 8 ja 9 §:in. Váralaš bázahusa galgá báhkket álgoálgosašbáhkii, jos dat lea vejolaš ja dorvvolaš.

Lohku 8. Eará mearrádusat

23 § Álbmotdoaluid bázahusfuolahus

Álbmotdilálašvuođaid guoski bázahusfuolahusmearrádusat vuodđuduvvet sihke luotnuma ovddalgihtii eastadeapmái ja bázahuslága geatnegasvuhtii áššáigullelaš bázahusfuolahusas. Álbmotdilálašvuođa ordnejeaddjis lea bázahuslága 74 § mielde ovddasvástádus álbmotdilálašvuođa čuovvumuššan lutnon guovllu čorgemis, jos nuoskideaddji ii ieš fuolat čorgemis.

Mearrádusain geatnegahttojuvvo álbmotdilálašvuođa ordnejeaddji fuolahit dilálašvuođa bázahusfuolahusas ollislaččat, ii dušše čorgemis. Geatnegasvuohta bázahusfuolahusas



fuolaheapmái lea mearkkašahtti doaibma luotnuma ovddalgihtii eastadeapmin, daningo dan vuodul dilálašvuoda ordnejeaddji galgá háhkat báikái doarvái bázahuslihtiid ja fuolahit daid gurremis dárbbu mielde.

Maiddáí šládjen ja sierračohkken mearriduvvo dilálašvuoda ordnejeaddji ovddasvástádussii. Eandaliige stuorát álbmotdilálašvuodain ođđasitatnui dohkálaš bázahusat šaddet nu ollu, ahte šládjen- ja sierračohkkengeatnegasvuodaid addimii lea dárbu áššáigullelaš ja dorvolaš bázahusfuolahusa ordnema dáfus. Mearrádusaid mielde šládjengeatnegasvuodát gusket gieldda bázahusfuolahusa ordnengeatnegasvuhtii gullelaš bázahusaid. Eará osiin bábir-, kartonga-, metálla-, plásttetbázahusa sierračohkken ja ođđasitanu galgá ordnet bázahusásahusa 14 § mielde.

24 § Bázahusfuolahusmearrádusaid čuovvun ja gohcin

Bázahusfuolahusmearrádusaid gohcin gullá bázahuslága mielde gielddaid birassuodjalaneiseválddiide ja EJB-guovddážiidda. Lassin galgá vuhtiiváldit, ahte bázahuslága mielde bázahusas boahtti dearvvasvuodahehttehusaid ovddalgihtii eastadeami birra ásahuvvo maiddáí dearvvasvuodasuodjalanlágas, man mielde gieldda dearvvasvuodasuodjalaneiseválddis lea doaibmaváldi, go gohcin guoská bázahusain boahtti dearvvasvuodahehttehusa.

Birassuodjalaneiseválddit gohcet buot doibmiid ja bázahusfuolahusmearrádusaid ollašuvvama ollislašččat. Ovdasajis gohcinovddasvástádus lea gielddaid birassuodjalaneiseválddis. Erenomážit, jos gažaldagas lea mángga gieldda guvlui olli birasváikkuhusat, maiddáí EJB-guovddážit gohcet mearrádusaid ollašuvvama. Gohcci eiseválddiin lea vejolašvuolta addit gohcinmearrádusaid bázahusfuolahusmearrádusaid rihkkumis ja geavahit beavttálmahttimii hálddahusbákku, dego ollašuhttinsáhku dagahanuhki dahje gaskkalduhttinuhki. Vejolaš lea maid dahkat dutkanbivdaga bolesii.

25 § Spiehkaseapmi bázahusfuolahusmearrádusain

Bázahusfuolahusmearrádusat leat gieldda njuolggadusat, maida gieldda sáhtta ovttaskas dáhpáhusain erenomáš siva geažil miedihit spiehkaseami. Lobi spiehkaseapmái galgá ohcat čálalaččat ja ášši gieđahallo hálddahusmeannudeami guoski láhkaásaheami mielde. Spiehkaseapmái galgá leat muhtun erenomáš, vuoduštallon sivva. Dan sáhtta miedihit dušše dakkár dáhpáhusain, main ohcci bastá eará láchkai go bázahusfuolahusmearrádusain ásahuvvon vugiin doaibmat dan láchkai, ahte bázahusfuolahusa ordnen ii šatta váddásabbon, iige birrasii dahje dearvvasvuhtii šatta hehttehus dahje riska. Spiehkaseapmi ii oaččo daid lassin dorvvohuhttit bázahusfievrreideaddji, bálvalusa geavaheaddji dahje eará olbmuid dorvolašvuoda. Jos lea eahpečielggas, sáhttetgo birasváikkuhusat šaddat, bivdá bázahusfuolahuseiseváldi cealkámuša birassuodjalaneiseválddis ovdal ášši čoavdima.



Lohku 9. Oktavuodaváldimat sierra diliin

Gieldda teknihkalaš doaibma

tel. 040 181 0264,

Suomen pakkauskierrätys RINKI Oy

Áššehasbálvalus: ekosajit ja šláddjen

0800 133 888 (ii máksu), árgan dii. 7–21 ja lá dii. 9–18

0409402112 (WhatsApp), árgan dii. 7–21 ja lá dii. 9–18

E-boasta: asiakaspalvelu@rinkiin.fi

Gieldda birassuodjalaneiseváldi

Soađegili gielda vástida Soađegili, Anára, Muoná, Eanodaga ja Ohcejoga gielddaid birassuodjalaneiseválddi doaimmain. Oktavuodadieđut gávdnojit čujuhusas:

[Árktalaš Lappi birassuodjaleapmi](#)

